

Allannguutissatut siunnersuut

uunga

Uunga siunnersuut: Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. xx ulloq xx. xxx 2017-imeersoq

(Atuartitsinerup imarisaa, aaqqissuussaaneq, piareersaaneq aamma ilisimasanik katersisarneq pillugit malittarisassanik allannguneq)

Aappassaaneerinninnermut Kultureqarnermut, Ilinniartitaanermit, Ilisimatusarnermit Ilageeqarnermullu Ataatsimiititaliamit saqqummiunneqartoq.

§ 1-imut

1. Nr. 1-9 atorunnaarput.

Nr. 10-12 tamatuma kingorna nr. 1-3-nngorput.

2. Nr. 11, nr. 2-nngortoq, imatut oqaasertaqassaaq:

” 2. § 25-mi *imm. 6* kingornanut immikkoortutut nutaatut ilanngunneqassaaq:

” *Imm. 7.* Atuartut atuartunut angerlarsimaffinniinneri atuartunullu inissianiinneri, tassunga ilanngullugit atuartunut angerlarsimaffiit atuartunullu inissiat illutaannut atortulersornerinullu aamma ilikkagaqarnissamut imarisassaannut minnerpaamik piumasaqaatit, pillugit Naalakkersuisut sukumiinerusunik maleruaqqusaliussapput.””

3. Nr. 13 *kiisalu 15-21* atorunnaarput.

Nr. 14 tamatuma kingorna nr. 4-nngorpoq.

§ 2-mut

4. § 2 imatut oqaasertaqassaaq:

” § 2. Inatsisartut inatsisaat ulloq 1. januar 2018 atuutilissaaq.”

Allannguutissatut siunnersuummut nassuiaatit

Nalinginnaasumik nassuiaatit

Allannguutissatut siunnersuut saqqummiunneqartoq § 1, nr. 1-9-imi, nr. 13-imi aamma nr. 15-21-imi , atuartitsissutini allanngortitsinerik assigiinngitsunik (taakkulu malitsigisaannik iluarsiiisuteqarnernik) imaqarpoq. Atuartitsissutini allanngortitsinerit siunnersuutigineqartut pingaarnerut siunertaraat oqaluttuarisaanermik atuartitsissutip atuartitsissutillu mernguernartulerinerup iluaniittut nukittorsarneqarnissaat.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq isumaqarpoq taamatut allanngortitsissagaanni atuarfeqarnermik iluarsaaqqinnissaq aggersoq utaqqeqqaarneqartariaqartoq.

Kiisalu § 1, nr. 11-mi siunnersuutigineqartoq, atuartut atuartunut angerlarsimaffinniinnerinut atuartunullu inissianiinnerinut minnerpaamik piumasaqaatinik Naalakkersuisut aalajangersaanissaannut inatsisitigut tunngavissamik (pisussaaffimmillu) ilanngussinermik imaqarpoq .

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap kissaatiginartissimavaa taamatut inatsisitigut tunngavissinerimi, aalajangersagaq malillugu Naalakkersuisut allaffissornikkut peqqussusiaasa minnerpaamik imarisassaannut piumasaqaatinik ilanngussisoqassasoq.

Ataatsimiititaliap allannguutissatut siunnersuutaata kingunerissavaa allaffissornikkut peqqussutit aalajangersagaq malillugu Naalakkersuisunit pinngitsoorani suliarineqartussat, atuartunut angerlarsimaffiit atuartunullu inissiat illutaannut atortulersornerinullu aamma ilikkagaqarnissamut imarisassaannut minnerpaamik piumasaqaatinik pinngitsooratik imaqassammata.

Aappassaaneerinninnermut ataatsimiititaliap isumaliutissiissutaa innersuussutigineqarpoq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Allannguutissatut siunnersuutip malitsigissavaa inatsisissatut siunnersuummi § 1, nr. 1-9 atorunnaassammata. Nalinginnaasumik nassuiaatit innersuussutigineqarput.

Nr. 2-mut

Allannguutissatut siunnersuutip kingunerissavaa atuartut atuartunut angerlarsimaffinniinnerinut atuartunullu inissianiinnerinut sukumiinerusunik maleruaqqusaliorsinnaanermut piginnaatinneqarnissaq siunnersuutigineqartoq immikkut aalajangersakkatut immikkoortinneqassammat.

Allannguutissatut siunnersuutip taamatuttaaq kingunerissavaa allaffissornikkut peqqussutit aalajangersagaq malillugu Naalackersuisunit pinngitsoorani suliarineqartussat, atuartunut angerlarsimaffiit atuartunullu inissiat illutaannut atortulersornerinullu aamma ilikkagaqarnissamut imarisassaannut minnerpaamik piumasaqaatinik pinngitsooratik imaqassammata.

Atuartut angerlarsimaffiisa atuartunullu inissiat ilikkagaqarnissamut imarisassaannut minnerpaamik piumasaqaatit naatsorsuutigineqarpoq ass. atuartut nunaqarfinneersut atuarfinnut ilinniagassatigut annerusumik piumasaqaateqarfiusunut ikaarsaariarsinnaanissaat eqqarsaatigalugu ilinniagaqarsinnaanikkut ineriartornerannut ikorfartuutaassasut.

Danskit inuit pisinnaatitaaffii pillugit ilisimatusarfiata nalunaarusiaani ”Kalaallit Nunaanni Inuit Pisinnaatitaaffii – Killiffik 2016”-mi meeqqat atuartut angerlarsimaffianniittut ilaqaataasalu atassuteqarneri taperserniarlugu suliniutinik, ilaatigut immikkut meeqqat ilikkagaqarnissaannut suliniutit aallartinnerisigut meeqqallu atuartut angerlarsimaffianniittut tapersorneqarnerisigut, aallartitsinissaannik kaammattuuteqarnerat taamatuttaaq aalajangersakkamut tunngatillugu isiginiarneqarsimavoq.

Aalajangersagaq inatsisitigut tunngavigalugu sulisorisat sulisorisassallu amerlassusiligaaneri eqqarsaatigalugit piginnaasassatigut piumasaqaatinik suliassallu pillugit maleruaqqusanik aalajangersaasoqarsinnaassaaq. Maleruaqqusani nakkutilliineq, isumassuineq, pissusissanut malittarisassat, nerisaqarneq eqqiluisaarnerlu, ilinniagasserisarneq, atuartut najukkani inuusuttunut sunngiffimmillu sammisassaqaartitsinermi ingerlatanut akuliutitinneqarnissaat, atuartut angerlarsimaffiisa atuartullu angajoqqaavisalu akornanni suleqatigiinneq il.il. pillugit tungasut ilaatinneqarsinnaapputtaaq.

Nr. 3-mut

Allannguutissatut siunnersuutip malitsigissavaa inatsisissatut siunnersuummi § 1, nr. 13 kiisalu 15-21 atorunnaassammata. Nalinginnaasumik nassuiaatit innersuusutiginerput.

Nr. 4-mut

Malitsitut allannngortitsineq matumani pineqarpoq.